



“Spositi, dà, c’o taconìn!” Al è un argument un tic rognôs. Par talian o podaressin tradusilu cun: “Sposati, su, che così siamo felici tutti” e si lu sint di spes dîlu dai oms zovins e machos, nomo?

Dal pont di viodude des feminis al varès di sei: “Mariditi, sù po, c’o taconìn”. Al sucêt magari tes scuelis, a dîsilu des zovinis li ch’al sucêt che un mascjut biel biel al tire e al plâs a plui fantatis che si lu contindin.

In amôr come in vuere, ognidune e scove fur i imbroieçs e ju tente par fâ colâ il Biel zovenut tal tramai (che a si disarès ancje “palisse”, in marilenghe).

Ma al sucêt che chel sacrament di Pipinot si è invaghât di une sole de companie e dome di chê, e cussì nol cole mai cun nissune; seriôs dur al fas passâ vie dutis lis “avances” come robe che i dâ fastidi: se no à “Che”, nìe! Par nissune.

Ealore al sucêt che a al è li che cualchidune di chês refudadis la cjape propite mâl; la robe no ur va jù e a si impunte che se nol cole cuntune di lôr cussì, al sarà ben une atre maniere par fâlu colâ; e a si metin dacuardi, e a si organizin.

Intant la “Insiminide” – parcé che al è clâr, nomo? che chê li no je migo tant juste, se si lasse scjampâ un cussì – jê e va par so cont cui soi ghiribits e no i interesse di morosâ cun lui: a son doi bieie amis e al va ben cussì; vonde no?

Ma: “no pasa!”

Jenfri di chê cumbricule di feminis a ‘nd è simpri une plui carogne: “A nol ûl, eh? Bon! Viodìn di fâju maridâ ae svelte, dâi mo; cussì une volte ch’al si è sentât a li al à la sô papute, si calme e... prime o dopo o une fiestute furbe, o un librut galeot, o une machine cence benzine di colp ... tu viodarâs mo s’al mi cole chi!”. A li.

Che po naturalmentri, chê li no ûl migo tignîsilu par dute le vite, jê, chel là; e à altris robis di fâ, t'e vite.

E cussì, come ch'al sucêt in chescj câs, e ven sielzude tal grup une... no proprite a câs: par solit e je une un ninìn tristute, che no sta passant un bon periodi, magari un tic sfigade e ch'a somee slunide - come chê là! che jê so amie tant ben - e a ven coinvonzude.

A si sigurin che ancje jê e à un debil pal Biel (cuant che lis fantatis a vuelin fâti colâ ta chestis trapulis e fati ameti alc cjale!... al è un moment) - che po jê, cjapade des sôs disgraciis, si freiarès ancje, no i interessarès nuie, ma a è une prede masse bieles e, mal par jê, a è che juste. E cussì a le mandìn simpri pui dispès dongje de nestre 'Siminide' sperant di fâi "pressure" (pressing, a disaressin chei dal balon).

Jê, benedete, a no sa migo che daûr al è il Diaul; jê e va e candide e sigure e cun biel fê e istighe l'amie come se la stes conseant: "E dâi puar, sposilu po; 'c'è lu fatu tant suspirâ"

Se dut al va ben, a sun di dâi l'omenut al cole. Un pôc parcè che al tache a convincisi ancje lui che: "A sarès ore che tu fasessis el om, ôstie! dai po!" e nol vûl fâ brute figure cun lis amiis (che a son ancje sôs di lui); e un pôc parcè che pardabon al volarès metisi insieme ae Biele, puaret, ancje s'al sa ben ch i tocje spietâ - e sperâ - che e sedi Jê! ch'a decît; ma lis Amiis i fasin capî che "al è lui! che a l'ha di decidi i timps, èeh senò ca ...!" E lui, ninìn, come un gial al torne a partî cun lis avances ch'al somee pardabon che e sedi dute iniziative sô.

Cemût varaie di lâ a finî cheste storie?

Secont me, jê e tache a vê sospiet; parcè che daspò, come ca è simpri la storie, tant Slunide la zovine no jè - (a ches altris i faseve comut di crodi cussì e jê e lassave crodi, tant... Come un zûc) - e a va a finî che cuant che si inacuarç no le cjape tant ben.

E culà a nus ven di pensâ che magari, se ju lassàvin in pâs fâsi i lôr zûcs e ve lis lôr robis a lor doi, lis lor cjaminadis, el lor studià insieme, cuisà! Magari a jèrin ancje bielzà sposas, parfin.

O magari a jerin a tor pal mont insieme: a si cognòsin di simpri e in somp tu sas cemunt c'a è tai pais: si cognossisi di piçui, si studie insieme, si fasin provis, progjets, a si zuie ai morôs e si va a vivi; e po a si cjatîsi plui in là e, zornade daûr zornade, dopo vessi dade une man, a si va insieme par dute la vite. E tu lu decidis alì. di daspò di, da par vualtris di bessôi.

I zuri che no sai cemût ch'a je lade a finî. Forse no je nancje finide, cuisà!

Dome che tal paîs a son ancjemò mocui che a zirin ator ... Biei, dûrs e rumorôs e al tocje stâ atens e schivâju che ti rivin intor: nol sarà che i è restade sul stomi a cualchidune, la robe?

Finît.

Ma us someino robis ch'a puedin sucedi pardabon?

di Bepi Gjaline